

შპს MS STUDIO

სსიპ - ბათუმის ხელოვნების სასწავლო უნივერსიტეტი

## ურთიერთთანამშრომლობის მემორანდუმი

ქ. ბათუმი

აპრილი, 2013 წელი

პრეამბულა

საქართველოში უმაღლესი განათლებისა და მეცნიერების სფეროში მიმდინარე რეფორმების ძირითადი პრონციპების, სახელოვნებო სწავლების, აკადემიური პროგრამების ხარისხის ამაღლების და პრაქტიკული განხორციელების მიზნით სსიპ - ბათუმის ხელოვნების სასწავლო უნივერსიტეტი და შპს MS STUDIO თანხმდებიან თანამშრომლობაზე შემოქმედებით და სასწავლო-აკადემიურ საკითხებში.

ურთიერთთანამშრომლობა ხელს შეუწყობს:

- შემოქმედებითი, აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- სახელოვნებო საგანმანათლებლო აკადემიური პროგრამების ინტეგრირებას კინო-ხელოვნების და მასობრივი ინფორმაციის საშუალებების თანამედროვე მოთხოვნებთან სწავლის შედეგებისა და კომპეტენციების ჩარჩოს ფარგლებში;
- სასწავლო-შემოქმედებითი ბაზების ერთიანი ქსელის შექმნას;
- შპს MS STUDIO-ის სპეციალისტთა მიერ კონსულტაციების, მასტერკლასებისა და სხვა სასწავლო პრაქტიკისა და შემოქმედებითი მუშაობის ჩატარებას;
- საშემსრულებლო სპეციალობის სტუდენტთა პროფესიული უნარ-ჩვევებისა და დონის ამაღლებას, კინო-ტელე წარმოების პრაქტიკული საფუძვლების გაცნობას;
- ცალკეულ მიმართულებებში ერთობლივი კულტურულ-შემოქმედებითი პროექტების მომზადებასა და განხორციელებას.

## მუხლი 1

- 1.1. მხარეები აწარმოებენ შეთანხმებულ პოლიტიკას სახელოვნებო განათლებისათვის აუცილებელი რესურსების მოზიდვისა და სასწავლო-შემოქმედებითი სამუშაოების დაგეგმვისათვის ორმხრივი ინტერესების შესაბამისად.
- 1.2. მხარეები განახორციელებენ ერთობლივ შემოქმედებით პროექტებს.
- 1.3. მონაწილეობას მიიღებენ სტუდენტთა (პროფესიული, ბაკალავრიატი, მაგისტრატურა) სადიპლომო ნაშრომების ექსპერტიზაში.
- 1.4. მხარეები მონაწილეობას მიიღებენ საგანმანათლებლო პროგრამების შემუშავებაში (ინფორმაციის გაცვლა, მეთოდური დახმარება და სხვა.) აკადემიური პროგრამების სახელოვნებო პროფესიულ მოთხოვნებთან ადაპტაციის, დაახლოებისა და კომპეტენციების ჩამოყალიბების მიზნით.
- 1.5. სტუდია საკუთარი კომპეტენციების ფარგლებში ხელს შეუწყობს:
  - სახელოვნებო საგანმანათლებლო პროგრამების სტუდენტების სასწავლო-საწარმოო პრაქტიკის გავლას.
  - ხელოვნების უნივერსიტეტის სტუდენტებისათვის, წინასწარი ურთიერთ-შეთანხმებით, სტუდიის მატერიალურ-ტექნიკური ბაზის გამოყენებას სასწავლო-სააუდიტორიო სამუშაოებისათვის.

## მუხლი 2

- 2.1. წინამდებარე შეთანხმებაში თითოეულ მხარეს შეუძლია ცვლილებებისა და დამატებების შეთავაზება ურთიერთშეთანხმების საფუძველზე.
- 2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.
- 2.3. მხარეები აძლევენ ერთმანეთს გარანტიას, რომ ისინი უპირობოდ, სრულად და კეთილსინდისიერად შეასრულებენ წინამდებარე ხელშეკრულებით გათვალისწინებული ყველა პირობას.

## მუხლი 3

- 3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციების და მოლაპარაკების გზით.
- 3.2. ეს მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.
- 3.3. ურთიერთთანამშრომლობის მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირი გადაეცემა მხარეებს.

შპს MS STUDIO -ის დირექტორი

სსიპ - ბათუმის ხელოვნების სასწავლო  
უნივერსიტეტის რექტორი, პროფესორი



ე. მესხია